

ლანჩხუთის მუნიციპალიტეტის საკრებულოს  
სოციალურ საკითხთა კომისია

2800 ქ. ლანჩხუთი, კოსტავას №37 Tel: 8210 2-30-05

ლანჩხუთის მუნიციპალიტეტის საკრებულოს სოციალურ  
საკითხთა კომისიის №9 სხდომის  
დასკვნა

ქ. ლანჩხუთი

1. 12. 2011.

2011 წლის 1 დეკემბერს მოწვეულმა სოციალურ საკითხთა კომისიის სხდომამ განიხილა შემდეგი საკითხი:

1. „ ლანჩხუთის მუნიციპალიტეტის 2012 წლის სოციალური პროგრამების პროექტების გახილვის შესახებ“.
2. „ლანჩხუთის მუნიციპალიტეტის 2012 წლის სოციალურ-კულტურულ ღონისძიებათა პროგრამების პროექტების განხილვის შესახებ“.
3. „ლანჩხუთის მუნიციპალიტეტის 2012 წლის ბიუჯეტის პროექტის განხილვის შესახებ“.
4. „ლანჩხუთის მუნიციპალიტეტის 2012 წლის ადგილობრივი შესყიდვების გეგმის პროექტის განხილვის შესახებ“.

**დღის წესრიგის პირველ საკითხზე :** „ ლანჩხუთის მუნიციპალიტეტის 2012 წლის სოციალური პროგრამების პროექტების გახილვის შესახებ“ გამოითქვა შემდეგი შენიშვნები:

1. მშობიარეთა 50%-იანი თანადაფინანსების პროგრამაში ამოღებულ იქნას ზედა ზღვარი და ნებისმიერ მშობიარეს გაეწიოს აღნიშნული დახმარება და შესაბამისმა სამსახურმა შეისწავლოს აღნიშნული საკითხი.
2. თავისუფლებისა და ტერიტორიული მთლიანობისათვის ბრძოლაში დაღუპულ მეომრების ოჯახების დახმარების პროგრამაში დაემატოს **7000 ლარი** ერთჯერადი დახმარებისათვის. აღნიშნული თანხა მოაკლდეს ეკონომიურად შეწირვებულ ოჯახებზე სათბობი შემთ უზრუნვეყოფის პროგრამას.

3. კომისიამ დააყენა საკითხი შემუშავდეს „მუნიციპალიტეტის მმართველობის ორგანოში (საკრებულოსა და გამგეობაში) დასაქმებული სადეკრეტო შვებულებაში მყოფი მუშაკების სადეკრეტო შვებულების ანაზღაურების პროგრამა“, საქართველოს შრომის კოდექსის თანახმად.

აღნიშნული შენიშვნების გათვალისწინებით „ლანჩხუთის მუნიციპალიტეტის 2012 წლის სოციალური პროგრამების პროექტები მიღებულ იქნა და სხდომამ მიიღო გადაწყვეტილება საკითხის 2011 წლის 6 დეკემბრის საკრებულოს ბიუროს სხდომის დღის წესრიგში შეტანის შესახებ.

**დღის წესრიგის მეორე საკითხზე :** „ლანჩხუთის მუნიციპალიტეტის 2012 წლის სოციალურ-კულტურულ ღონისძიებათა პროგრამების განხილვის შესახებ“ საკითხის განხილვისას გამოითქვა, რომ ბალახის ჰოკეისტთა ტრანსპორტირებისათვის გამოყოფილი ხარჯები (1500 ლარი) ამოღებულ იქნას სოციალურ-კულტურულ ღონისძიებათა პროგრამებიდან და დაემატოს ა.ა.ი.პ. სპორტულ ცენტრს, ასევე მიზანშეწონილია მოსწავლეთა ექსკურსიებზე ტრანსპორტირების ხარჯების დაფინანსება სოციალურ-კულტურულ ღონისძიებათა ხარჯიდან განხორციელდეს საჯარო სკოლების მეშვეობით.

სოციალურ საკითხთა კომისიაზე განსახილველად შემოვიდა ა.ა.ი.პ. კულტურული მემკვიდრეობის დაცვისა და განვითარების ცენტრისა და ა.ა.ი.პ. ტურიზმის განვითარების ცენტრის პროექტების „თემო“, „წერტილი რუკაზე“, „შემეცნებითი თამაშები“, „ტურისტული სასწავლო ლაშქრობა-შეჯიბრება“, „მდინარე სუფსაზე საწყლოსნო ტურიზმის განვითარების“ დაფინანსების საკითხი, რომლებიც კომისიის გადაწყვეტილებით უნდა განხორციელდეს 2012 წლის დასაწყისში საბიუჯეტო ზრდის პირობებში.

ამ შენიშვნების გათვალისწინებით კომისიის წევრებმა პროექტი მიიჩნიეს მომზადებულად საკრებულოს ბიუროს სხდომაზე განსახილველად.

**დღის წესრიგის მესამე საკითხზე:** „ლანჩხუთის მუნიციპალიტეტის 2012 წლის ბიუჯეტის დამტკიცების შესახებ“ ლანჩხუთის მუნიციპალიტეტის საკრებულოს დადგენილების პროექტის განხილვისას გამოიკვეთა, რიგი საკითხები:

1. მუნიციპალიტეტის ბალახის ჰოკეისტთა გუნდის ტრანსპორტირების ხარჯი 1500 ლარი ამოღებულ იქნას სოც.კულტურული ღონისძიებების ხარჯიდან და დაემატოს ა.ა.ი.პ სპორტულ ცენტრს.
2. მოსწავლეთა ექსკურსიებზე ტრანსპორტირების ხარჯების დაფინანსება სოც.კულტურული ღონისძიებების ხარჯიდან განხორციელდეს საჯარო სკოლების მეშვეობით.
3. მაწანწალა ძაღლებისაგან ტერიტორიის დაცვის ხარჯები 7000 ლარი გაერთიანდეს დასუფთავების ღონისძიებების ხარჯებში.
4. საფინანსო სამსახურში დამატებით შეიქმნას აუდიტის განყოფილება.
5. „ამერიკული თეთრი პეკელას“ გავრცელების შეზღუდვის ღონისძიებების ხარჯები შეტანილ იქნას ბიუჯეტის პროექტის ხარჯებში.
6. 2012 წელში ქონების აუდიტორიული შემოწმებისათვის ხარჯები იქნას გათვალისწინებული ბიუჯეტში.

7. მუნიციპალიტეტის მიერ დაფუძნებულ ა.(ა).ი.პ სკოლამდელი საგანმანათლებლო სააღმზრდელო ცენტრში დასაქმებულ პედაგოგთა დაზღვევის ხარჯების გათვალისწინება ბიუჯეტში.
8. ვ.წულაძის სახელობის მუხეუმის სარემონტო სამუშაოების ბიუჯეტში გათვალისწინება.
9. საჯარო მოხელის მიერ, რანგით მაღალი მოხელის მოვალეობის შესრულებისათვის ხელფასის სხვაობის ანაზღაურების გათვალისწინება ბიუჯეტში.
10. ა.(ა).ი.პ ლანჩხუთის მუნიციპალიტეტის კულტურული მემკვიდრეობის დაცვისა და განვითარების ცენტრის დაფინანსების გაზრდის გათვალისწინება.
11. კომპიუტერის კომპლექტის და 3 მობილური ტელეფონის შეძენის ხარჯის ბიუჯეტში გათვალისწინება.
12. სოფელ ღრმაღელის სკოლამდელი სააღმზრდელო ჯგუფის დაფინანსებისათვის ბიუჯეტში დამატებით თანხების გათვალისწინება.
13. ბავშვთა საფეხბურთო სკოლის დაფინანსების გაზრდის გათვალისწინება.

დასმულ საკითხებზე იმსჯელა მუნიციპალიტეტის გამგეობის ხელმძღვანელობამ და სპეციალისტებმა და მიზანშეწონილად ჩაითვალა ბიუჯეტის პროექტში განხორციელდეს ხარჯების შიგა გადანაცვლება კერძოდ: მუნიციპალიტეტის ბალახის პოკეისტა გუნდის ტრანსპორტირების ხარჯი 1400 ლარი ამოღებულ იქნას სოციალურ-კულტურული ღონისძიებების ხარჯიდან და დაემატოს ა.(ა).ი.პ. სპორტულ ცენტრს, მოსწავლეთა ექსკურსიებზე ტრანსპორტირების ხარჯების დაფინანსების წესი შემუშავებული იქნას წლის დარჩენილ პერიოდში, მაწანწალა ძაღლებისაგან ტერიტორიის დაცვის ხარჯები 7000 ლარი გაერთიანდეს დასუფთავებას ღონისძიებების ხარჯებში, საფინანსო სამსახურში დამატებით შეიქმნას განყოფილება საბიუჯეტო დაწესებულებებში აუდიტორიული შემოწმების ფუნქციით, დაფინანსება განხორციელდეს ბიუჯეტის საერთო ასიგნების ფარგლებში.

სხდომამ მიიღო გადაწყვეტილება ბიუჯეტის პროექტი წარმოდგენილი შენიშვნების გათვალისწინებით გადაეცეს საკრებულოს 2011 წლის 6 დეკემბრის ბიუროს სხდომას განსახილველად.

დღის წესრიგის მეოთხე საკითხზე: „ლანჩხუთის მუნიციპალიტეტის—2012 წლის ადგილობრივი შესყიდვების გეგმის პროექტის“ განხილვის დროს გათვალისწინებულ იქნას ყველა ზემოდ დაყენებული წინადადება და კომისიამ მიიღო გადაწყვეტილება მათი გათვალისწინებით შესყიდვების გეგმის პროექტი შეტანილ იქნას საკრებულოს ბიუროს 2012 წლის 6 დეკემბრის სხდომაზე განსახილველად.

ლანჩხუთის მუნიციპალიტეტის საკრებულოს  
სოციალურ საკითხთა კომისიის თავმჯდომარე:



გოჩა ჯანაშია